



Broj: 01-49-330-3/19

Datum: 20.05.2019.godine

Na osnovu člana 34. stav (6) Zakona o javnim nabavkama BiH („Službeni glasnik BiH“ broj 39/14), a u vezi sa Odlukom o pokretanju postupka javne nabavke broj: 01-49-330/19 od 18.02.2019. godine i Zapisnika sa sastanka konkursne Komisije za odabir najboljeg Idejnog rješenja „Uređenje Trga Alije Izetbegović“ u Maglaju od 11.04.2019. godine i 19.04.2019.godine Općina Maglaj, ovlašteno lice ugovornog organa Načelnik općine Maglaj, d o n o s i

## **O D L U K U**

### **I**

U postupku Nagradni konkurs za izradu idejnog rješenja uređenja Trga Alije Izetbegovića u Maglaju, objavljen na Portalu javnih nabavki broj: 1140-6-2-5/19 od 19.02.2019. godine, zaključuje se da :

1. Konkursni rad pod šifrom MKP 741 komisija nije razmatrala jer ne sadrži dokumentaciju navedenu u tački 8. nagradnog konkursa i priloge navedene u tački 6. Projektnog zadatka.
2. Konkursni rad pod šifrom MAA 181 nije zadovoljio tražene osnovne elemente nagradnog konkursa (tačka 4.) i Projektnog zadatka (tačka 1. i tačka 2.), tako da Komisija nije pristupila ocjenjivanju rada po kriterijima navedenim u tački 13. nagradnog konkursa te neće dodijeliti novčanu nagradu iz tačke 11. nagradnog konkursa.

### **II**

Za realizaciju ove Odluke zadužuje se Služba za urbanizam, geodetske imovinsko pravne poslove općine Maglaj.

### **III**

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa čl. 71. Stav 2. Zakona o javnim nabavkama.

### **IV**

Ova Odluka ima se objaviti na web stranici Općine Maglaj u skladu sa čl.70. Stav 6. Zakona o javnim nabavkama BiH.

## **O b r a z l o ž e n j e**

Odlukom o pokretanju postupka broj 01-49-330/19 od 18.02.2019. godine pokrenut je postupak javne nabavke „Nagradni konkurs za izradu Idejnog rješenja uređenja Trga Alije Izetbegovića u Maglaju“.

Odabran je nagradni konkurs sa dodjelom novčanih nagrada za dostavu ponuda koji je objavljen na Portalu javnih nabavki broj: 1140-6-2-5/19 od 19.02.2019. godine.

U ostavljenom roku, pristigle su dvije ponude i to:

1. Koverta broj 1 – MAA 181
2. Koverta broj 2 – MKP 741

Odlukom broj: 01-49-424/19 od 20.02.2019. godine Načelnik općine Maglaj imenovao je Komisiju za javne nabavke u 2019. Godine.

Komisija je izvršila javno otvaranje ponuda 22.03.2019. godine o čemu je sačinila Zapisnik sa otvaranja ponuda.

Na zatvorenom sastanku održanom dana 11.04.2019. godine, Komisija za odabir najboljeg Idejnog rješenja „Uređenja Trga Alije Izetbegović“ u Maglaju, formirana rješenjem Načelnika općine broj: 01-49-330-2/19 od 05.04.2019. godine, u čijem sastavu su lica priznate stručne reputacije, pristupila pregledu, ocjeni ponuda, sačinila je Zapisnik i utvrdila da ponuda broj 2. označena šifrom MKP 741 ne sadrži svu potrebnu dokumentaciju navedenu u nagradnom konkursu i tački 6. Projektnog zadatka. Takođe je utvrđeno da dostavljeni grafički dio dokumentacije ne sadrži priloge navedene u nagradnom konkursu i projektnom zadatku. Utvrđeno je da rješenje ne obuhvata prostor odnosno katastarske čestice navedene u projektnom zadatku. Zbog navedenih razloga ponuda broj 2. nije uzeta u razmatranje.

Na drugom zatvorenom sastanku koji je održan dana 19.04.2019. godine, Komisija za odabir najboljeg Idejnog rješenja „Uređenja Trga Alije Izetbegović“ u Maglaju je konstatovala da idejno rješenje uređenja Trga Alije Izetbegović u Maglaju pod šifrom MAA 181 nije zadovoljilo tražene osnovne elemente nagradnog konkursa (tačka 4.) i Projektnog zadatka (tačka 1. i tačka 2.) tako da Komisija nije pristupila ocjenjivanju rada po kriterijima navedenim u tački 13. nagradnog konkursa te neće dodjeliti novčanu nagradu iz tačke 11. nagradnog konkursa.

Na osnovu gore navedenog Komisija je u skladu sa tačkom 12. nagradnog konkursa broj: 01-49-330-1/19 od 19.02.2019. godine, kojom je utvrđeno da „Komisija može ocijeniti da pristigli radovi nisu zadovoljili sa stanovišta jednog ili više traženih elemenata ovog konkursa a za koje ocijeni da su bitni za analize te u tom slučaju nije obavezan dodjeliti nagradu“, te u skladu sa članom 34. stav (6) Zakona o javnim nabavkama BiH kojim je utvrđeno da „Konkursna komisija obavezna je o radu na svojim sastancima voditi zapisnike, koje potpisuju svi prisutni članovi i koji su sastavni dio njenog konačnog izvještaja o postupku“ predložila ugovornom organu da donese zaključke kao u dispozitiva ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa: Općina Maglaj u roku od 5 dana od dana prijema Odluke.

Žalba se podnosi u tri primjerka kako bi mogla biti uručena izabranom ponudaču, Uredu za razmatranje žalbe i Ugovornom organu.

Žalba se podnosi neposredno Ugovornom organu, u pisanoj formi, direktno ili putem preporučene poštanske pošiljke.

Dostavljeno :

1. Ponudačima 2x
2. U spis

